



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Theodorvs Confess: 22. Aprilis.

[urn:nbn:de:hbz:466:1-62968](#)

2. Verè liber est, qui servit, & obedit Deo; etenimis unum duntaxat habet & quissimum, & facilissimum Dominum, cuius mandata & rationi maximè consentanea sunt, & nobis utilissima. Voluntarium hoc, & rationabile obsequium, quod Deo præstamus, nos liberat à turpissimâ & s̄evissimâ Tyrannide Dæmonis, libidinis, peccati. Ah! si libertas maximum est bonorum omnium; cui, Domine, potiori jure meam ego devoverem, quam tibi, qui mihi eam dedisti? *Deo parere, libertas est.*

3. Ut perfectâ & integrâ libertate in hoc mundo gaudeas, nnum Deum & timere, & amare debes, Omnia supplicia, afflictiones omnes, omnes mundi deliciæ, opes, vanitates non poterunt vel ad minimum peccatum te impellere, si unum timueris, & amaveris Deum. Quot anxietatibus liberareris? si animo tuo altius inhæreret, nihil amandum esse, præter Deum, nihil timendum, præter Deum.

S. THEODORVS CONFESS:

22. Aprlis.

Cujus vestrum asinus aut bos in pertuum cadet, & non continuò extrahet illum. Luc. 14.

THEODORUM sexennem mater ad omnem licentiam informabat, cum S. Georgius,

ne

fol 288 (o)

ne filium cæli Imperatori autoratum vita
corruptelis effæminaret, præsens admo-
nuit, pueri deinceps in sanctitate magister.
Eunti ad ædem sacram dux adsuit, viam
præstigiis orci præseptam & impeditam
aperiens: Matri quoque, si à pietate
filium avocaret, stricto mucrone exitum
minatus. Propè interitum THEODORUS erat,
quando decantatus ille Proteus assumptâ
contubernialis formâ, incautum in præcipi-
tium impulit præsultor ipsius factus, eumq;
exemplo tracturus, nisi custodis cura præ-
valuisset. In templo Christum cum Virgine
matre præsentem aspexit, à quo ad sancti-
orem militiam invitatus, illicò stipendia fa-
cere cœpit. Gigantem credidisses vim cœlo
illaturum, si labores spectasses. Miraculis
morborumq; medelâ clarus, quos aliis ab-
sterrit, sibi gratultus est dolores, eos divi-
næ in sc voluntatis argumenta dictitans.
Venenum impiorum invidiâ misum. Re-
ginæ cælorum benevolentia superavit, quæ
piorum mensis securitatem affert, certiorem
utique, quam ii, qui periculofas Princi-
pum epulas gustu explorant. Hunc Reginæ
Cœlitibusq; tam charum, quid mirum est,
si Reges nostri orbis suspicerunt, neq; passi
funt

sunt THEODORUM voto suo potiri, qui cùm
probra sitiret, vel invitus honoribus macta-
tus est? Ex Surio.

M E D I T A T I O

*De correctione eorum, qui curæ
nostræ subsunt.*

Verius illa pellex fuit, quām Mater THEODO-
RI, quæ ad omnem vitæ licentiam pellexit fi-
lium: Neq; illa Mater diligit, quæ filium peccantē
negligit. S. August. 1 de civit. c. 9. Si neglexeris cor-
ripere, peior factus es eo, qui peccavit. Si autem monu-
eris, resipiscet Frater tuus, atq; ita animam lucri-
facies ejus Christo. Quomodo tu fungeris hoc offi-
cio charitatis? & quomodo amas corrigi?

2. At, inquies, molestus ero amico meo, illum si
toties monuero. Esto; An idèò debes officio tuo
deesse? Iniquius fortè est tuum de humilitate ejus
judicium: Adde, quod æger est, cui vel invito ad-
hiberi debet medicina. Quando valebit, gratias ti-
bi referet. Officii tui, non personarum habe rati-
onem. Nulli parcas, ut soli anime parcas. Hieron.

2. Si tamen existimes correctionem non modò
inutilem, sed gravioris peccati occasionem fore,
cave, eam adhibeas; præpostera plerumq; moni-
tio, aut correctio omnem spem auffert resipisen-
tiæ ac emendationis. Capta sedulò opportunæ
monitionis tempus. Sæpius scapellum in gossipio,
odore moschi perfuso occultandum; sæpius cata-
potium

o] 290. [o

potum inaurandum, ut xger ea non refugiat. Vis
fratrem corrigere, illachrimare, ora Deum, apprehensum
admonere, consule, exhortare, monstra charitatem erga
proximum. Chrysoſt.

S. GEORGIUS Martyr.

25. Aprilis.

Certa bonum certamen & appre-
hende vitam eternam. ad Timoth. c. 6.

ANNO post natum Servatorem XC. supra
CC. GEORGIUS fortissimus CHRISTI
miles ob virtutem inter Tribunos adlectus,
tum Comitis etiam titulo à Diocletiano or-
natus, cùm hujus nihilominus efferati in
Christianos tyrannidem propalām damnas-
set; in vincula & ipse tractus, saxum primò
ingens pectori injectum supinus fortius,
quām cōclum Hercules tulit; ad machinam
deinde mucronibus omni ex parte arma-
tam, ut antè ad gladios in acie, risit. Hinc
calce tres dies sepultus, cùm illustrior sur-
rexisset, ferreos & ab igne carentes cal-
ceos indutus, nempè ad Olympiam coro-
nam cucurrit. Cælus iterum immaniter, ac
alapis contusus, in ruborem languoremque
ipſos